



# Халқ сўзи

Ўзбекистон —  
келажаги  
буюк  
давлат

1991 йил 1 январдан чиқа бошлаган

WWW.XS.UZ

E-mail: Info@xs.uz

2019 йил 16 апрель, № 76 (7306)

Сешанба

Сайтимизга ўтиш учун QR-кодни телефонингиз орқали сканер қилинг.



## ҚОЗОҒИСТОН — ЯҚИН ҚЎШНИМИЗ, ИШОНЧЛИ ҲАМКОРИМИЗ ВА ҚАЛИН ШЕРИГИМИЗ



### Ўзбекистон Республикаси Президенти Шавкат Мирзиёевнинг таклифига биноан Қозоғистон Республикаси Президенти Қосим-Жомарт Тоқаев 14-15 апрель кунлари давлат ташрифи билан мамлакатимизда бўлди.

Ўзбекистон мустақилликнинг илк кунларидан Марказий Осиё мамлакатлари, жумладан, Қозоғистон билан ўзаро ишонч ва яхши қўшничиликка асосланган муносабатларни ривожлантириш йўлидан борди. Халқларимиз нафақат яқин қўшни, балки қардош сифатида кўп қиррали ҳамкорликнинг барча масалалари бўйича азалдан бир-бирларини тушуниб, қўллаб-қувватлаб келган. Ўтган йиллар давомида бу алоқалар янада мустаҳкамланди, мамлакатларимиз яхши қўшни ва ўзаро манфаатли ҳамкор сифатида тараққийёт йўлидан елкама-елка бормоқда.

Давлатларимиз ўртасида стратегик шерикликни мустаҳкамлашда Ўзбекистон Президенти Шавкат Мирзиёев ва Қозоғистоннинг Биринчи Президенти — Элбоши Нурсултон Назарбоевнинг хиссаси бекиёс.

Президентимизнинг очиқ ва прагматик сиёсати, хорижий давлатлар, аввало, қўшни мамлакатлар билан дўстона ва ўзаро манфаатли муносабатларни ривожлантириш борасидаги ташаббуслари натижасида Ўзбекистон — Қозоғистон ҳамкорлиги янги босқичга кўтарилди.

Президентимизнинг 2017 йил 22-23 март кунлари Қозоғистонга давлат ташрифи мамлакатларимиз муносабатлари ривожидида тарихий даврни бошлаб берди. Уша йили 16-17 сентябрь кунлари Қозоғистон Республикаси Биринчи Президенти Нурсултон Назарбоевнинг мамлакатимизга давлат ташрифи олий даражадаги мулоқотларнинг изчил давоми бўлди.

(Давоми 2-бетда).

Ўзбекистон Республикаси Президенти Матбуот хизмати сурати.

### ЎЗБЕКИСТОНДА ҚОЗОҒИСТОН ЙИЛИ ОЧИЛДИ У қардошлик ва яхши қўшничилик муносабатларини янада мустаҳкамлашга хизмат қилади.

Ўзбекистон Республикаси Президенти Шавкат Мирзиёев ва Қозоғистон Республикасининг Биринчи Президенти Нурсултон Назарбоев 2017 йилда олий даражадаги мулоқотлар сўнггида 2018 йилда Қозоғистонда Ўзбекистон йили ва 2019 йилда Ўзбекистонда Қозоғистон йилини ўтказишга келишиб олган эди. Бу халқларимиз ўртасидаги ҳамкорлик тарихида ноёб воқеа сифатида қардошлик муносабатларини янги босқичга олиб чиқишда муҳим аҳамият қад этмоқда. «Ўзбекистон» халқаро анжуманлар саройида 15 апрель кунини Ўзбекистонда Қозоғистон

йилининг расмий очилиш маросими бўлди. Президент Шавкат Мирзиёев ва Президент Қосим-Жомарт Тоқаев нутқ сўзладилар. Давлат раҳбарлари Қозоғистонда Ўзбекистон йили доирасида фаоллашган маданий-гуманитар алоқалар халқларимизни янада яқинлаштирганини таъкидладилар. Мазкур йирик тадбир халқларимиз ўртасидаги ҳамкорликни мустаҳкамлаб, азалий дўстликни улуғлашдек муштарак мақсадларга эришишда муҳим ўрин тутишини қайд этдилар.

(Давоми 2-бетда).

### ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ЎЗБЕКИСТОНДА ҚОЗОҒИСТОН ЙИЛИНИНГ ТАНТАНАЛИ ОЧИЛИШ МАРОСИМИДАГИ НУТҚИ

Хурматли Қосим-Жомарт Кемелевич!  
Хонимлар ва жаноблар!  
Ассалому алайкум, азиз меҳмонлар!

Сиз, азизларни меҳмондўст Ўзбекистон заминида яна бир бор қутлаймиз.

Бутун Ўзбекистон халқи номидан биродар Қозоғистон Республикаси Президенти Қосим-Жомарт Кемелевич Тоқаевни мамлакатимизга илк бор давлат ташрифи муносабати билан чўқур мамнуният изҳор этишга руҳсат бергайсиз.

Хурматли Қосим-Жомарт Кемелевич!

Азиз дўстлар!  
Хонимлар ва жаноблар!

Бугун сизларни Ўзбекистонда Қозоғистон йилининг тантанали очилиш маросимида қутлашдан мамнунман.

Қозоғистон Республикасининг Биринчи Президенти, Элбоши, оғам, мухтарам Нурсултон Абишевич Назарбоевнинг 2017 йил сентябрь ойида мамлакатимизга давлат ташрифи чоғида биз ўтган йили Қозоғистонда Ўзбекистон йилини, бу йил эса юртимизда Қозоғистон йилини ўтказишга келишиб олган эдик.

Фурсатдан фойдаланиб, кўп миллатли Ўзбекистон халқи номидан Нурсултон Абишевичга мамлакатларимиз ўртасидаги дўстлик, яхши қўшничилик ва шериклик муносабатларини мустаҳкамлашга қўшган бекиёс хиссаси, шунингдек, мамлакатимизда ўтказилган ажойиб, ёрқин ва унутилмас Ўзбекистон йили тадбирлари учун самимий миннатдорлик изҳор қилмоқчиман.

Бугун мухтарам Қосим-Жомарт Кемелевич билан биргаликда Ўзбекистонда Қозоғистон йилининг очилиш мамлакатларимиз ўртасида стратегик шериклик муносабатлари жадал ривожланиб, ўзаро ишонч ва қўллаб-қувватлаш, биродарлик ришталари узвий мустаҳкамланиб бораётганидан далолатдир.  
Бу муҳим воқеалик, шунингдек,

халқларимиз ўртасидаги азалий ва самимий дўстлик, маданий ва маънавий яқдиллик рамзидир.

Қозоғистоннинг Абай Қўнонбоев, Мухтор Аvezов, Ахмет Байтурсунов, Илбас Есенберлин, Ўлжас Сулеймонов ва бошқа кўплаб атоқли маданият намояндалари тинчлик ва эзгуликни асраш, халқларимизга хос юксак инсоний фазилатларни тараннум этган.

Ўзининг жўшқин асарлари билан улар ушбу эзгу қадриятларни ҳозирги авлодга етказиш, мамлакатларимиз, халқларимиз ўртасидаги аънавий дўстлик ва яхши қўшничилик муносабатларини кенгайтиришга улкан хисса қўшган.

Шу муносабат билан мен ҳамкорлигимиз келажагида катта некинлик билан қарамқодман ва Ўзбекистондаги Қозоғистон йили тадбирлари ушбу кўп асрлик алоқаларни янада мустаҳкамлашга ишончим комил.

Бугунги кунда Қозоғистон бутун дунёга давлат ва жамият қурилишининг барча соҳаларида, жумладан, замонавий рақобатбардош иқтисодиётни ривожлантириш, аҳоли турмуш даражаси ва сифатини изчил ошириш бўйича эришилган салмоқли муваффақиятларини намойён қилаётганини катта мамнуният билан таъкидламоқчиман.

Ишончим комилки, мамлакатимизда Қозоғистон йили тадбирлари нафақат ушбу йўналишдаги ишлар натижаларини намойиш қилиш имконини беради, балки мамлакатларимиз санъати, илм-фани, таълими, бизнес ва вакиллар ўртасида ўзаро манфаатли алоқаларни кенгайтириш, билим ва ютуқларни алмашиш учун янги уфқлар очиб беради.

Буларнинг барчаси маданиятларини бойитиш, халқларимизни янада яқинлаштиришга хизмат қилиши, шубҳасиз.

Юртимизда яқинда ўтказилган Халқаро бахшичилик санъати фестивалида қозоғистонлик Улжан Байбусинова Гран-прига сазовор бўлгани ҳам қувонарли ҳол.

Барча қозоғистонлик дўстларимизни самимий қутлайман!

Азиз дўстлар!  
Ўйлайманки, Ўзбекистонда Қозоғистон йили қардош мамлакат санъат усталарининг катта концерт дастури — кўп миллатли Қозоғистоннинг ёрқин ва серқирра намоийши билан бошланишида рамзий маъно муҳассас.

Дарҳақиқат, шеърят, мусиқа ва қўшиқ халқларнинг энг пок ва гўзал орзу-умидлари, эзгу интилишларини ифода этади.

Шу муносабат билан қозоғистонлик дўстларимиз, барча иштирокчилари беради, балки мамлакатларимиз билан қилганликларини учун самимий миннатдорлик изҳор қилмоқчиман.

Хурматли дўстлар!  
Қозоқ халқ мақолида айтилганидек: «Туы-сы жа-қын — жа-қын емес, қўнысы жа-қын — жа-қын».

Биз қардош Қозоғистон билан йўлга қўйилган дўстлик ва яхши қўшничилик ришталарини қадрлаймиз ва энг яқин қўшимиз билан мулоқот ҳамда кўп қиррали ҳамкорликни мустаҳкамлашга интиламиз.

Биз бир-биримизга ҳаммаша елкадош бўлиб келганмиз, хавф-хатарларга қарши биргаликда курашганмиз, бугун эса умумий ёрқин келажагимизни ҳам бирга қурмоқдамиз.

Ўйлайманки, улуғ бобокалонларимиз Алишер Навоий ва Абай Қўнонбоевларнинг муқаддас руҳи бизни бу йўлда қўллаб-қувватлайди.

Биз халқларимиз, фарзандларимиз ва набираларимиз тинчлиги ва фаровонлиги йўлида қўлимиздан келган барча ишларни қиламиз!

Хурматли Қосим-Жомарт Кемелевич!

Мухтарам қозоғистонлик дўстлар!  
Бугунги кун ўзбек — қозоқ муносабатларида янги, тарихий сана сифатида халқларимиз ўртасидаги қардошлик алоқаларини ривожлантириш учун мустаҳкам замин яратаяди, деб ишонаман.

Яна бир бор Ўзбекистонга хуш келибсиз!

Этиборингиз учун раҳмат!

Ассалому алайкум!  
Хурматли ва азиз ўзбек қардошлар!

Аса қрметти, Шавкат Миромонович, жеке Өзіңізге және Өзбекстан халқына жылы шыраймен қарсы алып, қонақжайлық көрсеткендеріңіз үшін зор алғыс айтамын.

«Қазақ пен өзбектің базары да бір, мазары да бір» деп бабаларымыз бекер айтпаган.

Екі халықтың тілі де, діні де, тағдыры да, тарихы да біртұтас.

Халқларимиз Марказий Осиёдаги кўхна ва буюк тамаддун ворисларидир.

Биз кўплаб муҳим синовларни биргаликда энгиб, ажодларимиз аънавалари, қадриятлари ва маданий-маънавий меросини сақлаб қолдик.

Қозоғистон билан Ўзбекистон ўртасидаги стратегик шериклик ва самарали ҳамкорлик ушбу тарихий дўстликнинг мантикий давомидир.

Кейинги йилларда қардош ва дўст мамлакатларимизнинг сиёсий, иқтисодий, гуманитар алоқалари янада юксак босқичга кўтарилди.

Чегарадош хуудлар ҳамкорлиги мустаҳкамланиб бормоқда, товар айирбошлаш ҳажми муттасил ортмоқда.

Шуни қатъий ишонч билан таъкидлашим мумкинки, бугунги кунда Қозоғистон — Ўзбекистон муносабатларида муаммоли масалалар мавжуд эмас. Аксинча, дўстлик ва ҳамкорликни мустаҳкамлашга ўзаро интилиши мавжуд.

Қозоқ халқи азалдан қардошлик ва дўстлик ришталарига содиқ, яхши қўшничиликни қадрлайди.

Биз доимо ўзбекларни ўзимизга қону қардош билганмиз ва шундай ҳисоблашда давом этаемиз.

Ўзбек халқи ҳам бизга нисбатан шундай илиқ туйғулар туйяётгани бизга яхши маълум.

Қардош халқларимизни ягона тақдир ва умумий келажақ боғлаб туради.

Биз асарлари Ўзбекистонда диққат билан ўрганиладиган аждодимиз Хўжа Аҳмад Яссавий билан фахрланамиз.

Қозоқ ҳуқуқи ижодкорлари — икки буюк бий — Тўлебий ва Ойтекебий Ўзбекистонда мангу кўним топган.

Биз Тошкентга алоҳида илиқ муносабатдамыз, зеро, атоқли қозоқ зиёлиларининг ҳаёти ва фаолияти шу шаҳар билан боғланган.

Қозоқ маданиятини қўллаб-қувватлаётгани учун Ўзбекистон раҳбариятидан миннатдоримиз.

Шавкат Миромонович Мирзиёевнинг «Буюк қозоқ шоири ва мутафаккири Абай Қўнонбоев ижодий меросини кенг ўрганиш ва тарғиб қилиш тўғрисида»ги қарориди кўзда тутилган кенг қўламли чора-тадбирлар учун миннатдорлик билдираман.

Улуғ Абай биз, қозоқларни қардош ўзбек халқидан унинг эзгу фазилатлари, айниқса, камтарлик ва меҳнат-севарликни ўрганишга қақирган эди.

Қозоғистонда муқим яшаётган ўзбеклар ўз маънавий, ижтимоий эҳтиёжларини тўлиқ қондира олишлари учун барча ишларни қилмоқдамиз.

Мамлакатимизда деярли барча хуудларда очилган ўнлаб ўзбек этномаданият марказлари фаолият юритмоқда.

Қозоғистонда ўзбек тили медиа ҳаёти, таълим тизими, маданий ҳаётда қўлланилмоқда. Иккита ўзбек театри томошабинлар ўртасида муваффақият қозонган.

Мамлакатимизда доимий равишда яшаб келаётган қозоқларга қўрсатилган ғамхўрлик учун Ўзбекистон раҳбариятидан миннатдоримиз.

Хурматли дўстлар!  
Биз ҳақиқатдан тарихий воқеалар гувоҳи ва иштирокчисимиз. Жаҳон сиёсий харитаси ўзгариб, унда давлатларимиз муносиб ўрин эгаллади.

Марказий Осиё минтақасининг муваффақиятли иқтисодий тараққийоти, барқарорлиги ва хавфсизлиги кўп жиҳатдан Қозоғистон билан Ўзбекистоннинг яқин ҳамкорлиги ва ўзаро мувофиқлашган саъй-ҳаракатларига боғлиқ.

Қозоғистон Республикасининг Биринчи Президенти — Элбоши Нурсултон Назарбоев ва мухтарам Президент Шавкат Мирзиёевнинг

саъй-ҳаракатлари туфайли Қозоғистон — Ўзбекистон муносабатлари ҳақиқий юксалиш даврини бошдан кечирмоқда.

Қозоғистонда ўтган Ўзбекистон йили яқин алоқаларимизни мустаҳкамлашга хизмат қилди.

Унинг доирасида 200 дан зиёд қўшма тадбирлар ўтказилди, улар орасида Чимкентда бўлиб ўтган биринчи Хуудлараро форум алоҳида ўрин эгаллади.

Икки томонлама товар айирбошлаши 5 миллиард долларга етказишдан иборат мақсадимиз сари изчил ҳаракат қилмоқдамиз.

Ўзаро транспорт катновини фаоллаштириш борасида иш олиб борилмоқда.

Мамлакатларимиз транзит-логистика инфраузулмасини ривожлантириш Европа ва Осиё бозорларига чиқиш учун катта имкониятлар яратмоқда.

Азиз ўзбекистонлик дўстлар!  
Ўзбекистонда Қозоғистон йили нафақат икки томонлама муносабатларимизда, балки бутун Марказий Осиёда ўзаро англашув ва ишонч муҳитини шакллантиришда муҳим аҳамият касб этувчи ўзига хос улкан воқеадир.

Мен мамлакатларимизнинг нафақат туркий, балки бутун жаҳон маданияти дурдонаси бўлган бош маънавий ва тарихий марказларини ўзаро боғлашни тақдир этаман.

Туркистон, Самарқанд ва Бухоро шаҳарларини бир йўналиш орқали таштирган ҳолда туризм кластерини очиш мумкин, деб ҳисоблайман!

Қадрли бауырлар!  
Ўли Абайдин «Татулықтан артық жолдас жок» деген қанатты сөзи бар.

Қазақ пен өзбектің қуанышы да, мұны да, мақсат-мұраты да бір.

Аждодларимиз васият қилган қозоқ ва ўзбек халқларининг дўстлиги ва ҳамжихатлигини асраб-авайлаш — умумий бурчимиз.

Ўзбекстандағи Қазақстан жылын ашық деп жариялаймын!  
Ўзбекистонда Қозоғистон йилини очик, деб эълон қиламан!



# ЎЗБЕКИСТОНДА ҚОЗОГИСТОН ЙИЛИ ОЧИЛДИ

У қардошлик ва яхши қўшничилик муносабатларини янада мустаҳкамлашга хизмат қилади.

(Давоми. Бошланиши 1-бетда).

Ўзбекистонда Қозоғистон йилининг очилиши стратегик шериклик муносабатлари тобора мустаҳкамлашиб, ишонч ва ўзаро қўллаб-қувватлаш кучайиб бораётганидан далолат беради. Ушбу муҳим воқеа халқларимиз ўртасидаги абадий ва самимий дўстлик, маданий ва маънавий яқинлик рамзидир, деди Шавкат Мирзиёев.

Қозоғистон Президенти Қосим-Жомарт Тоқаев Ўзбекистонда Қозоғистон йили доирасида ўтказилган тадбирлар қардош халқларимиз маданий алоқаларини янада мустаҳкамлашни қайд этди.

Ўзбекистон Республикасида Қозоғистон йили очилди, деб эълон қилинди.

Маълумки, Қозоғистонда 2018 йилда кенг нишонланган Ўзбекистон

йили доирасида иқтисодиёт, туризм ва маданий-гуманитар соҳаларда кўплаб тадбирлар, маърифий учрашувлар, турли фестивал ва ижодий кечалар ўтказилди. Икки мамлакат санъат намоёндаларининг ўзаро ташрифлари амалга оширилди. Ўзбек Миллий академик драма театри, Навоий вилояти ижодий жамоаларининг гастроль сафарлари қўшни Қозоғистон вилоятларида катта қизиқиб билан қарши олинди.

Бугунги кунда мамлакатларимиз олий таълим тизимида ҳамкорликка оид 50 дан зиёд битим ва келишувлар амал қилади. Мамлакатимиздаги 400 га яқин мактабда қозоқ тили ўқитилади, олий таълим муассасаларида қозоқ тили, математика, физика ва бошқа фанлар бўйича педагог кадрлар тайёрланади. Чимкент шаҳрида 2018 йилнинг май ойида Ўзбекистон Республикаси Вазирлар

Маҳкамаси ҳузуридаги Миллатлараро муносабатлар ва хорижий мамлакатлар билан дўстлик алоқалари қўмитаси ва Қозоғистон халқ ассамблеяси ўртасида ҳамкорлик тўғрисида меморандум имзоланди. Бу икки мамлакат ҳудудида ўзбек ва қозоқ тилларини ўрганишдаги ҳамкорлики амалий мазмун билан бойитиш имконини берди.

Президентимиз Шавкат Мирзиёевнинг 2018 йил 13 мартда «Буюк қозоқ шоири ва мутафаккири Абай Қўнонбоев ижодий меросини кенг ўрганиш ва тарғиб қилиш тўғрисида»ги қарори қабул қилинди. Шунинг баробарида, Қозоғистонда сўз маданияти сўз маданияти Алишер Навоий таваллудининг 577 йиллиги катта тантана қилинди. Бу адабиёт ва маданият қўшни мамлакатларимиз азалдан қавму қариндош бўлган халқларимиз ҳаётидаги муҳим

воқеадир. Мамлакатимизда Қозоғистон адабиёти ва маданияти марказининг очилиши эса ушбу соҳадаги ҳамкорлик бардавонлигининг яна бир тасдиғи бўлди.

Дўстона муносабатларни мустаҳкамлашда Ўзбекистон — Қозоғистон парламентлараро дўстлик гуруҳлари ҳам муҳим аҳамият касб этмоқда. Хусусан, 2018 йил ноябрь ойида икки мамлакат парламентлари қўйи палаталари ўртасида ҳамкорлик меморандуми имзоланиши қўнун ижодкорлиги муносабатларида янги даврни бошлаб берди. Бу, ўз навбатида, савдо-иқтисодий, ижтимоий-гуманитар соҳалардаги ҳамкорлигининг ҳуқуқий асосларини мустаҳкамлашда муҳим омил бўлаётир.

Мамлакатимизда Қозоғистон йилига катта тайёргарлик қўрилди. Унинг доирасидаги тадбирлар санъат, фан, таълим ва тадбиркорлик соҳалари ва-

қилларига ўзаро манфаатли алоқаларни йўлга қўйиш, билим ва тажриба алмашиш учун янги уфқлар очади. Маданиятларимиз бир-бирини бойитишига, халқларимиз янада яқин бўлишига хизмат қилади.

— Бу йил Ўзбекистонда Қозоғистон йилининг кенг нишонланиши ҳудудлар ўртасидаги маданият, ижтимоий-гуманитар ҳамкорликини сифат жиҳатидан янги босқичга олиб чиқади, — деди Қозоғистон Республикаси маданият ва спорт вазири Арстанбек Мухамедиули. — Қўллаб маданий тадбирлар, икки мамлакат санъат усталари ва театр жамоаларининг гастроль сафарлари ташкил этилади.

Бутун дунёда мамлакатларимизнинг бой тарихи билан танишиш, бетақор урф-одат ва анъаналарини ўрганиш, меъморий ёдгорликлари мисолида асрий тамаддун ютуқла-

ридан баҳраманд бўлиш истағида бўлган сайёҳлар сони йил сайин ортиб бормоқда. Шу боис ҳам бугун туризм соҳасидаги ҳамкорлик биз интилаётган муҳим йўналишлардан бири бўлиб қолмоқда.

Ўзбекистонда Қозоғистон йили доирасида ўтказилган қўшма тадбирлар ва лойиҳалар айни шу каби ҳамкорлик учун ҳам мустаҳкам асос бўлиб хизмат қилади.

Очилиш маросими катта концерт дастури билан давом этди.

Шу билан Қозоғистон Республикаси Президенти Қосим-Жомарт Тоқаевнинг Ўзбекистон Республикасига ташрифи яқунланди.

**З. ЖОНИБЕКОВ,  
У. ШОНАЗАРОВ,  
ЎЗА мухбирлари.**

Ўзбекистон Республикаси Президенти Матбуот хизмати сурати.

## ҚОЗОГИСТОН — ЯҚИН ҚЎШНИМИЗ, ИШОНЧЛИ ҲАМКОРИМИЗ ВА ҚАЛИН ШЕРИГИМИЗ

(Давоми. Бошланиши 1-бетда).

Ўтган қисқа вақтда икки томонлама алоқаларда илгари кузатилмаган юқори натижаларга эришилди. Икки давлат раҳбарларининг мунтазам учрашув ва мулоқотлари мамлакатларимиз ўртасидаги алоқаларни янада мустаҳкамлади.

Қозоғистон Республикаси Президенти Қосим-Жомарт Тоқаевнинг мазкур давлат ташрифи мамлакатларимиз ўртасидаги дўстлик, яхши қўшничилик ва стратегик шериклик муносабатларини янада кенгайтиришда навбатдаги қадам сифатида икки томон учун бирдек манфаатлидир.

Ташрифнинг асосий тадбирлари 15 апрель кuni бўлиб ўтди.

Кўксарой қароргоҳида Қозоғистон Республикаси Президентини расмий кутиб олиш маросими бўлди.

Шундан сўнг Шавкат Мирзиёев ва Қосим-Жомарт Тоқаев тор доирада учрашув ўтказди.

Президентимиз Қозоғистон Президентини Ўзбекистонга ташрифи билан Ўзбекистондаги дўстлик, яхши қўшничилик ва стратегик шериклик муносабатларининг мантиқий давоми эканини таъкидлади.

Сизнинг Қозоғистон Республикаси Президенти сифатида Ўзбекистонга илк давлат ташрифи билан келганингизни жуда юксак қадрлаймиз. Биз буни икки томонлама стратегик шериклик муносабатларининг яна бир асоси деб биламиз. Қозоғистон бизнинг яқин қўшнимиз, ишончли ҳамкоримиз ва қалин шеригимиздир. Биз ҳеч қачон бир-биримиздан ажралмаймиз, деди Шавкат Мирзиёев.

Қозоғистон Президенти тақлиф учун давлатимиз раҳбарига миннатдорлик изҳор қилиб, музокаралар

самарали ўтишига ишонч билдирди.

Халқларимизнинг тарихи, дини, тили бир, ўрхаш маданий қадриятларга эга. Сиз, хурматли Шавкат Мирмонович ва Қозоғистоннинг Биринчи Президенти Нурсултон Назарбоев давлатлараро муносабатларни юқори босқичга олиб чиқдингиз. Бу суръатни сақлаб қолишни ўзимнинг асосий вазифам деб билман. Қозоғистонда қардош Ўзбекистон билан алоқаларга талаб жуда катта, деди Қосим-Жомарт Тоқаев.

Бугунги кунда мамлакатларимиз ўртасидаги муносабатлар барча соҳаларда изчил тараққий этмоқда. 1998 йилда имзоланган Ўзбекистон Республикаси билан Қозоғистон Республикаси ўртасида Абадий дўстлик тўғрисидаги шартнома, 2013 йилда қабул қилинган Ўзбекистон Республикаси билан Қозоғистон Республикаси ўртасида Абадий дўстлик тўғрисидаги шартнома, 2013 йилда қабул қилинган Ўзбекистон Республикаси билан Қозоғистон Республикаси ўртасида Стратегик шериклик тўғрисидаги шартнома ўзаро ҳамкорликка мустаҳкам асос бўлмоқда.

Ўзбекистон билан Қозоғистон БМТ, ШХТ, МДХ, ИХТ, Оролни қўқариш халқаро жағмағмаси каби халқаро тузилмалар доирасида самарали ҳамкорлик қилиб келмоқда. Қозоғистон мамлакатимиз ташаббуси билан БМТ шаффеълигида ташкил этилган Оролбўйи минтақаси учун Инсон хавфсизлиги бўйича кўп томонлама шериклик асосидаги траст фонди фаолиятини қўллаб-қувватлади.

Президентлар минтақавий ҳамкорликини мустаҳкамлаш ва халқаро аҳамиятга молик муҳим масалалар юзасидан фикр алмашди. Жумладан, икки ва кўп томонлама тузилмалар доирасида халқаро терроризм, диний экстремизм, наркотикларнинг ноқонуний муомалада бўли-

ши, трансмиллий уюшган жиноятчилик, ноқонуний миграция ва халқаро хавфсизликка таҳдид соладиган бошқа хавф-хатарларга қарши курашиш бўйича биргаликда чоралар қўришга келишиб олинди.

Давлат раҳбарлари Афғонистон иқтисодиётини қайта тиклаш ва ушбу мамлакат билан узоқ муддатли яхши қўшничилик алоқаларини ривожлантириш, жумладан, транспорт коммуникациялари, таълим ва соғлиқни сақлаш соҳаларида йирик лойиҳаларни амалга ошириш зарурлигини таъкидладилар.

Олий даражадаги музокаралар чоғида давлат раҳбарлари Ўзбекистон — Қозоғистон ҳамкорлигининг истиқболли йўналишлари, шунингдек, томонларни қизиқтирган минтақавий ва халқаро аҳамиятга молик долзарб масалаларни ҳам муҳокама қилдилар.

Ўзбекистон ва Қозоғистон расмий делегациялари иштирокидаги кенгайтирилган музокарада мамлакатларимиз ўртасидаги савдо-иқтисодий, инвестициявий ҳамкорликини янада ривожлантириш, транспорт-коммуникация, маданий-гуманитар ва бошқа соҳалардаги алоқаларни мустаҳкамлаш масалаларига эътибор қаратилди.

Қозоғистон Ўзбекистоннинг энг муҳим савдо-иқтисодий шерикларидан биридир. Кейинги йилларда иқтисодиётнинг етакчи соҳа ва тармоқларида жадаллашган алоқалар туфайли ўзаро савдо ҳажми 2018 йилда қарийб 50 фоиз ўсиб, 3 миллиард доллардан ошди.

Томонлар яқин йилларда бу кўрсаткични 5 миллиард долларга етказишга интилишини тасдиқлади. Ўзбекистон ва Қозоғистон ўртасида икки томонлама ҳамкорлик бўйича Ҳукуматлараро комиссияга савдо

алоқалари номенклатурасини кенгайтириш, иқтисодий ҳамкорлиқнинг янги узоқ муддатли шакллари топиш ва ривожлантириш вазифаси қўйилди.

Бу ўзаро манфаатли иқтисодий ҳамкорлиқни мустаҳкамлаш ва кенгайтиришга, савдо, инвестициялар, логистика соҳаларида янги истиқболли лойиҳаларни амалга ошириш, интеграциялашган санъат технопарк-лари, илмий-инновацион кластерлар ва эркин иқтисодий зоналар ташкил этишга хизмат қилади.

Томонлар 2018 йил ноябрь ойида Чимкент шаҳрида ўтган биринчи Ўзбекистон — Қозоғистон ҳудудларо ҳамкорлик форуми ва 2019 йил мартда Тошкент шаҳрида ўтган Марказий Осиё мамлакатларининг биринчи минтақавий иқтисодий форуми яқунларини ижобий баҳолади.

Бугунги кунда юртимизда Қозоғистон капитали иштирокидаги 336 та корхона ва 16 та компания ваколатхонаси, Қозоғистон ҳудудида Ўзбекистон ишбилармонлари билан ҳамкорликда ташкил этилган 199 та корхона фаолият кўрсатмоқда. Улар томонидан савдо, транспорт-логистика ва бошқа хизматлар қўрсатилиб, қурилиш материаллари ҳамда кенг турдаги халқ истеъмоли моллари ишлаб чиқарилмоқда.

Мамлакатларимиз автомобиль ва темир йўлларда юк ва йўловчи ташинишда самарали ҳамкорлик қилиб келмоқда. Бу муҳим коммуникация тармоғи учинчи давлатлар учун ҳам транзит вазифасини ўтамоқда. Ўзбекистон ва Қозоғистон ҳудудларидан ташқи савдо юкларини ташишда ўзаро преференциялар ва қўшимча имтиёзлар жорий этилгани савдо ҳажмини сезиларли ошириш имконини бермоқда.

Давлат раҳбарлари Ўзбекистон — Қозоғистон давлат чегарасини демаркация қилиш, шунингдек, ўтказиш пунктларининг самарали фаолиятини таъминлаш жараёни муваффақиятли давом этаётгани, бу икки мамлакат чегарадош ҳудудлари аҳолисининг турмуш шароитини салмоқли даражада яхшилаш, трансчегаравий иқтисодий алоқалар ва гуманитар алмашинувларни жонлантириш, фуқароларнинг ўзаро ташрифларини фаоллаштиришга хизмат қилганини мамнуният билан қайд этдилар.

Томонлар Оролни қўқариш халқаро жағмағмаси доирасида минтақа давлатларининг халқаро ташкилотлар, молия ва экология институтлари билан Орол денгизи ҳавзасида муайян дастур ва лойиҳаларни амалга ошириш бўйича ўзаро ҳамкорлиқни кенгайтиришдан манфаатдор эканини тасдиқлади.

Музокараларда транспорт, логистика, санъат кооперацияси соҳаларида қўшма лойиҳаларни амалга ошириш бўйича келишувларга эришилди. Транспорт коммуникациялари соҳасидаги ҳамкорлиқни ривожлантириш, мамлакатларимизнинг экспорт салоҳияти ва транзит имкониятларини кенгайтириш бўйича қўшимча чора-тадбирлар ишлаб чиқиш зарурлиги таъкидланди.

Икки томонлама ҳужжатларни имзолаш маросими бўлди. Ўзбекистон Республикаси Президенти Шавкат Мирзиёев ва Қозоғистон Республикаси Президенти Қосим-Жомарт Тоқаев Қўшма баёнотни имзолادилар.

Икки мамлакат ўртасидаги ҳамкорлиқнинг турли соҳаларига оид 10 га яқин ҳужжатлар имзоланди. Солиқ резидентлигини тасдиқловчи расмий ҳужжатларни тан олиш тартиби, Ўзбекистон ва Қозоғистонда

фаолият юритаётган икки мамлакат фуқароларининг меҳнат ҳуқуқларини ҳимоя қилиш, ноқонуний миграцияга қарши курашиш тўғрисида битимлар, "Марказий Осиё" савдо-иқтисодий ҳамкорлик марказини ташкил этиш тўғрисида меморандум ва бошқа соҳаларга оид келишувлар шулар жумласидандир.

Шунингдек, Ташқи ишлар вазирликлари ўртасида 2019-2020 йилларга мўлжалланган ҳамкорлик дастури, Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита билан Қозоғистон Республикаси Ахборот ва ижтимоий ривожланиш вазирлиги ўртасида ҳамкорлик тўғрисида меморандум қабул қилинди.

Оммавий ахборот воситалари вакиллари учун брифингда давлат раҳбарлари музокаралар аънавий дўстлик, ўзаро хурмат, ишонч ва очиклик руҳида ўтганини, икки томонлама муносабатларнинг муҳим масалалари, ўзаро манфаатли минтақавий ва халқаро аҳамиятга молик долзарб муаммолар муҳокама қилинганини алоҳида таъкидладилар. Ташриф чоғида Ўзбекистон ва Қозоғистон Президентлари ўртасида эришилган келишувлар, имзоланган ҳужжатлар мамлакатларимиз ҳамкорлигини янги сифат босқичига олиб чиқиши қайд этилди.

Кўннинг иккинчи ярмида Қозоғистон Республикаси Президенти Қосим-Жомарт Тоқаев Ўзбекистон Республикаси Бош вазири Абдулла Арипов ҳамроҳлигида Мустақиллик майдонида ташриф бурди. Олий мартабали меҳмон хурриятимиз, порлоқ истиқболимиз ва эзгу ниятларимиз рамзи бўлган Мустақиллик ва эзгулик монументига гул қўйди.

**Матназар ЭЛМУРОДОВ,  
ЎЗА мухбири.**





«BankExpo – 2019»:

### «Агробанк» замонавий хизматлар ҳамда қизиқарли танловларни тақдим этди

Пойтахтимизда бўлиб ўтган «BankExpo – 2019» банк технологиялари, асбоб-ускуналари ва хизматлари миллий кўргазмасида «Агробанк» стенди жойлашган майдон тадбир иштирокчилари билан, айниқса, гавжум бўлди. Хўш, бунинг сабаби нимада?

#### Молия муассасаларида

Гап шундаки, мазкур молия муассасаси вакиллари кўргазма қатнашчилари учун таассуротларга бой турли ўйинлар ҳамда танловлар ташкил этди. Бунда қизиқарли саволларга тезкор жавоблар топган мижоз-

лар ва иштирокчилар голиб сифатида тақдирланди. Эътиборга молик яна бир жиҳат: кўргазмада «Агробанк» бошқа молия муассасалари катори мижозларига қулайлик яратиш мақсадида инновацион

технологиялар, асбоб-ускуналар, онлайн хизматларни ўзига жамлаган қурилма ҳамда мобил иловаларини намойиш қилди.

Шунингдек, бир тарафда банк мутахассислари мижозлар, хусусан, ўз тадбиркорлик фаолиятини бошлаш истагида бўлган ёшларга зарур тавсия ва маслаҳатлар берган бўлса, бошқа томонда кичик бизнес ҳамда тадбиркорлик субъектлари хизматлар ҳақида маълумотларга эга бўлишди. Айниқса, бу жараёнда «Agrobankmobile» иловасининг

янгича қўриниши ва «online kredit» бўлимидаги микроқарз олиш имконияти қўпчиликда қизиқиш уйғотди. Бу бежиз эмас, албатта. Чунки «Agrobankmobile» иловаси орқали миллий валютани хорижий валютага конвертация қилиш, унинг «Омонатлар» бўлимида онлайн депозит ҳисобварағи очиб, зарур маблағларни ўтказиш йўлга қўйилган. Бинобарин, юридик шахслар ҳамда фермер хўжа-

ликлари «Agrobank-Mobil-Biznes» иловаси орқали онлайн тарзда масофадан туриб имтиёзли кредитларни ва зарур маълумотларни олишлари мумкин. Бунда вақт ҳамда ортиқча сарф-харажатлар тежалди. Айни вақтда «Агробанк» мижозлари сафи тобора кенгайиб борапти. 400 та банкومات, 420 инфокиос ва 248 минибанк аҳоли хизматида. Улар орқали мижозлар учун кредитларни расмийлаштириш, халқаро пул ўтказмалари, валюта айирбошлаш, нақд пул олиш, коммунал тўловларни қабул қилиш, пластик карталар билан амалиётлар каби янги хизмат турлари бажарилаётган. Бу эса фуқароларнинг банк молиявий хизматларига бўлган ишончини янада юксалтирмоқда.

Банк матбуот хизмати.

Хизматлар лицензияланган.

## КАМОЛИДДИН БЕҲЗОД НОМИДАГИ МИЛЛИЙ РАССОМЛИК ВА ДИЗАЙН ИНСТИТУТИ

2018/2019 ўқув йилида бакалаврият йўналишлари ва магистратура мутахассисликлари бўйича тамомлаётган битирувчиларнинг интеллектуал салоҳиятидан унумли фойдаланиш ҳамда уларнинг келажақда ўз ўринларини топишига қўмаклашиш мақсадида ишга тақсимлаш жараёни бошланганлигини эълон қилади ва қуйидаги маълумотларни тақдим этади.

Table with columns: T/p, Шифри, Таълим йўналишлари ва мутахассисликлари номи, Битирувчиларнинг умумий сони, шу жумладан (Grant, Шартнома), Худудлар кесимида (Коракалпоғистон Республикаси, Андижон вилояти, Бухоро вилояти, Жиззах вилояти, Навоий вилояти, Наманган вилояти, Самарқанд вилояти, Сурхондарё вилояти, Сирдарё вилояти, Тошкент вилояти, Фаргона вилояти, Хоразм вилояти, Қашқадарё вилояти, Тошкент шаҳри, Хорижий талабалар). Includes sections for БАКАЛАВРИАТ and МАГИСТРАТУРА.

Изоҳ: Г — давлат гранти асосида битирувчилар, Ш — шартнома асосида битирувчилар.

Буюртмалар портфелини шакллантириш, битирувчиларни ишга тақсимлаш ва мониторинг бўлими телефонлари: 71-255-96-67, 91-190-83-00, факс: 71-255-18-92. Веб-сайт: www.mrdi.uz

Advertisement for Bobcat equipment. Includes Bobcat logo, images of various construction vehicles, text: «TOW Co., Ltd» қўшма корхонаси махсус қурилиш техникаларини таклиф қилади. www.uztow.com. «Universal Services of Central Asia» хорижий корхонаси эҳтиёт қисмлар таъминоти ва сервис хизматларини кўрсатади.

Advertisement for PROFNASTIL. Text: ПРОФНАСТИЛ ИШЛАБ ЧИҚАРУВЧИ қуйидаги маҳсулотларни тақдим этади: гальванизацияланган ва полимер қопламали ПРОФИЛАНГАН ЛИСТ. Includes list of products and contact info.

Advertisement for 'Xalq S'uzi' newspaper. Text: Халқ сўзи Народное слово. Бош муҳаррир Ўткир РАҲМАТОВ. Includes contact info, ISSN 2010-8784, and QR code.